



Fræna beitelag v/ Atle Moen

6440 ELNESVÅGEN

Vedtak - søknad om forlenging av skadefellingsperiode for gaupe i Fræna, Fræna beitelag

Vi viser til søknad 31. oktober 2014 frå Fræna beitelag om utviding av tidsperioden for skadefellingsløyve for gaupe til 23. desember 2014.

Med heimel i Naturmangfaldlova § 18 første ledd b) og § 77; jf. §§ 1, 3, 4 og 9 i rovviltforskrifta av 18.03. 2005 innvilgar Fylkesmannen søknad om utvida skadefellingsperiode for gaupe i Fræna kommune til 23.12.2014 kl 12:00.

Juridisk grunnlag for avgjerda

§ 18 i naturmangfaldlova omhandlar anna uttak av vilt og lakse- og innlandsfisk etter vurdering av myndigheitene:

“Kongen kan ved forskrift eller enkeltvedtak tillate uttak av vilt og lakse- og innlandsfisk (...)

b) for å avverge skade på avling, husdyr, tamrein, skog, fisk, vann eller annen eiendom, (...)

Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.”

I §§ 8 og 9 i Forskrift om forvaltning av rovvilt, fastsatt ved kgl. res 18.03.05, står det følgjande om kvote for, og iverksetting av betinga skadefelling:

«§ 8. Kvote for betinget skadefelling av gaupe, jerv, bjørn og ulv

Dersom vilkårene i forskriften § 7 er oppfylt, kan en rovviltnemnd tildele kvote for betinget skadefelling på gaupe, jerv, bjørn og ulv til fylkesmannen for å forhindre at disse artene gjør skade på bufe eller tamrein. Kvote for betinget skadefelling gjelder fra 1. juni til og med 15. februar. (...).»

Rovviltnemnda region 6 Midt-Norge har i vedtak 23. mai 2014 sak 12/14 fatta vedtak om kvote for betinga skadefellingsløyve for gaupe. Fastsatt kvote er tre (3) individ i perioden 1. juni 2014 – 15. februar 2015. Det er per dato felt ei gaupe på skadefellingskvoten.

§ 9. Fylkesmannens myndighet til iverksetting av betinget skadefelling

Postadresse:	Telefon:	Telefax:	E-post:	Web:
Fylkeshuset	71 25 84 43	71 25 85 10	postmottak@fmmr.no	www.fylkesmannen.no
6404 Molde				

Fylkesmannen kan av eget tiltak eller etter søknad fatte vedtak om iverksetting av felling for å forhindre fremtidig skade innenfor rammen av kvote for betinget skadefelling gitt av rovviltneemnden, jf. forskriften § 8, eller Direktoratet for naturforvaltning, jf. § 13.

Fylkesmannen kan delegere sin myndighet til iverksetting av slik felling til kommunen i særskilte tilfeller.

Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning.

Det skal særlig tas hensyn til:

- a) områdets betydning som beitemark*
- b) skadenes omfang og utvikling*
- c) potensialet for fremtidige skader*
- d) muligheten for å gjennomføre forebyggende tiltak.*

(...)».

Bakgrunn

Fylkesmannen i Møre og Romsdal gav 12.8.2014 Fræna beitelag løyve til skadefelling av ei, einsleg gaupe i søre delen av Fræna kommune i perioden 12.8.2014 til 31.10.2014. Løyvet vart den 15.10.2014 utvida til å gjelde heile kommunen.

Fræna beitelag søkjer no om å få forlenga fellingsperioden til 23.12.2014. Bakgrunnen for søknaden er at det enno ikkje er felt gaupe på skadefellingsløyvet, sjølv om det er postert både på ferske saue- og rådyrkadaver. Vidare vert det vist til at det framleis vil vere mykje villsau ute, og at det er stort sannsyn for at desse vil vere utsatt for angrep i tida framover. Det blir til slutt vist til at det er eit stort behov for å redusere bestanden av gaupe i kommunen.

Fylkesmannen si vurdering

Fræna kommune er ei stor landbrukskommune, der det etter forvaltningsplanen for rovvilt i region 6, ikkje er eit mål om å ha ynglande gaupe. Ut i frå observasjonar (viltkamera), gaupeskader på sau og dokumentert yngling siste år, legg vi til grunn at det er etablert ein fast bestand av gaupe på Romsdalshalvøya.

Statens naturoppsyn (SNO) dokumenterte gaupeskade på 1 lam 2.8.2014 og 2 lam 15.9.2014 ved Åndal. I oktober undersøkte SNO fire nye kadaver med konklusjonen usikker gaupe; 2 ved Åndal (1.10.2014) og 2 ved Skotten (13.10.2014). Det er dermed ikkje dokumentert gaupeskade på sau/lam i Fræna sidan 15.9.2014.

Fylkesmannen i Møre og Romsdal har for beitesongen 2014 mottatt erstatningskrav knytt til tap av sau til gaupe frå sju sauebønder i Fræna. Det er ikkje tidlegare år (2000 - 2013) søkt om rovvilterstatning for tap av sau til gaupe i kommunen (kjelde: Rovbase).

Ved utgangen av oktober månad vil det vere eit langt lågare tal sauer ute på beite enn i beitesongen. Småfe som ikkje er tatt inn i hus eller sendt til slakt, vil i hovudsak vere holdt på innmarksbeite nær driftsbygningane. Søknaden om forlenga skadefellingsperiode er først

og fremst retta mot å ivareta omsynet til villsaubesetningane, som går ute heile året. Med færre sau på beite, er skadepotensialet på denne tida av året lågt.

Medan skadefelling etter § 9 i rovviltforskrifta er eit verkemiddel for å avhjelpe akutte skadesituasjonar som kan oppstå, skal regulering av bestandsstorleiken til gaupe skje gjennom den årlege kvotejakta, som er i perioden 1. februar – 31. mars. Fræna kommune ligg i den delen av Møre og Romsdal der det er opna for kvotefri jakt.

Eit uttak av ei gaupe gjennom forebyggjande skadefelling, vil ikkje ha nemnande innverknad på gaupebestanden i Fræna, då nye individ vil vandre inn frå nord og aust. Som skadeforebyggjande tiltak synest difor eit uttak av ei gaupe lite effektivt. I dette ligg det samstundes at det er eit reelt skadepotensiale for neste beitesesong.

I brev frå klima- og miljøministeren av 28.4.2014 om tydeleg soneforvaltning og høg beredskap, går det fram at skillet mellom dei ulike sonene skal forvaltast tydelegare. Det skal vere ein lav terskel for å gje løyve til uttak av rovdyr som har eller ein forventar vil gjere skade i prioriterte beiteområder. I prioriterte yngleområde for rovdyr, skal terskelen vere tilsvarende høg. Med ein fast gaupebestand i området, har det oppstått ein ny situasjon som krev tilpassing frå næringa si side. Ein kan ikkje, med regjeringa si måsetjing ei om tydelegare soneforvaltning innan rovviltpolitikken, forvente at sauenæringa raskt vil kunne tilpasse drifta til den nye rovviltsituasjonen, og legge ned betydeleg økonomisk innsats i naudsynte forebyggjande tiltak til neste beitesesong.

Ut i frå dette finn vi å kunne forlenge skadefellingsperioden for ei, einsleg gaupe til 23.12.2014 som omsøkt.

Vilkår for løyvet går fram av Fylkesmannens brev av 12. august 2014 og 15.10.2014, med unntak av pkt. 4. som er endra til: «Fellingsløyvet gjeld frå 6.11.2014 til og med 23.12.2014 kl 12:00».

Beitelaget bør samarbeide med kommunen, alle grunneigarane og Jeger- og fiskerforeininga for å effektivisere jakta på gaupe innafor den ordinære jaktperioden. I denne delen av fylket, der det ikkje er mål om å ha gaupe, er dette den viktigaste måten å redusere risikoen for gaupeskade på.

Klage

Dette vedtaket kan påklagast innan tre veker frå den dagen dette brevet kom fram; jf. forvaltningslova kap. IV, §§ 28 og 29. Ei eventuell klage bør grunngivast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Fylkeshuset, 6404 Molde.

Med helsing

Ulf Lucasen (e.f.)
Ass. miljøverndirektør

Astrid Buset

Dokumentet er elektronisk godkjent og har ingen signatur.

kopi:

Lensmannen i Fræna

6440 ELNESVÅGEN

Fræna kommune

6440 ELNESVÅGEN

Statens naturoppsyn

Postboks 5672 Sluppen

7485 TRONDHEIM

Rovviltnemnda region 6

v/Fylkesmannen i Nord-

7734 STEINKJER

Midt-Norge

Trøndelag, Postboks 2600